

ერთის მხრივ ს.ს.ი.პ. „საგანმანათლებლო და სამეცნიერო ინფრასტრუქტურის განვითარების სააგენტო“, (მისამართი: ქ. თბილისი, ალექსიძის N2, შენობა-ნაგებობა N2, მე-2 სართული, ს/კ 202294980; სახელმწიფო ხაზინა, ა/ა 200122900, კოდი: 220101222), დირექტორის ზვიად როსტომაშვილის სახით, (შემდგომში "რეგისტრანტი") და მეორეს მხრივ, შპს „გრენა“ აღმასრულებელი დირექტორის რამაზ ქვათაძის სახით (შემდგომში "ადმინისტრატორი") "რეგისტრანტი" და "ადმინისტრატორი" შემდეგში ერთად წოდებულ როგორც "მხარეები" ხოლო ცალცალკე როგორც "მხარე", ვმოქმედებთ რა თითოეული ორგანიზაციის წესდებით მინიჭებული უფლებამოსილებისა და საქართველოში მოქმედი კანონმდებლობის საფუძველზე 2018 წლის სახელმწიფო ბიუჯეტის დაფინანსების ფარგლებში „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1 ქვეპუნქტის, სააგენტოს ადმინისტრაციის სამსახურის სპეციალისტის 2018 წლის 20 ივნისის N764543 სამსახურებრივი ბარათის საფუძველზე, ვდებთ ამ ხელშეკრულებას და ვთანხმდებით შემდეგზე:

მუხლი 1. ხელშეკრულების საგანი

ვებგვედრზე (www.domain.greana.ge) რეგისტრანტის უფლებამოსილი წარმომადგენლის მიერ შევსებული განაცხადით, მოთხოვნილი ინტერნეტდომენური სახელის esida.ge რეგისტრანტისათვის წინამდებარე ხელშეკრულების, "GE დომენის რეგისტრაციისა და სარგებლობის წესებისა და პირობებისა" (როგორც ეს გამოქვეყნებულია საიტზე www.domain.greana.ge) და საქართველოს კომუნიკაციების ეროვნული კომისიის 2006 წლის N3 დადგენილების ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ რეგლამენტის შესაბამისად, დროებით სარგებლობაში გადაცემა. შესყიდვა ხორციელდება გამარტივებული შესყიდვის საშუალებით.

მუხლი 2. ხელშეკრულების მოქმედების პერიოდი და ძალაში შესვლის პირობები

- 2.1. წინამდებარე ხელშეკრულების მომსახურების ვადაა 2018 წლის 24 ივნისიდან 2019 წლის 24 ივნისამდე.
- 2.2. წინამდებარე ხელშეკრულება მოქმედებს 2019 წლის 24 ივლისამდე.
- 2.3. იმ შემთხვევაში თუ წინამდებარე ხელშეკრულების ვადის ამოწურვამდე რეგისტრანტის მიერ განხორციელდება წინამდებარე ხელშეკრულების საგნის დროებითი სარგებლობისათვის განსაზღვრულ წლიურ საფასურის გადახდა მომდევნო სააღრიცხვო პერიოდზე, წინამდებარე ხელშეკრულება ყველა მისი თანდართული წერილობითი (მათ შორის ელექტრონული) დოკუმენტით ავტომატურად გაგრძელდება 1 (ერთი) კალენდარული წლის ვადით იმავე პირობებით. აღნიშნული პირობა ვრცელდება ყოველ მომდევნო პერიოდზე.

მუხლი 3. ღირებულება და გადახდის წესი

- 3.1. წინამდებარე ხელშეკრულების პირველ მუხლში აღნიშნული ინტერნეტდომენური სახელის სარგებლობაში გადაცემისათვის განსაზღვრული ღირებულება შეადგენს 30,00 (ოცდათი) ლარს საქართველოს მოქმედი კანონმდებლობით გათვალისწინებული გადასახადების ჩათვლით.
- 3.2. წინამდებარე ხელშეკრულების ავტომატურად გაგრძელების შემთხვევაში რეგისტრანტი იღებს ვალდებულებას გადაიხადოს წინამდებარე ხელშეკრულების 3.1. მუხლში ინტერნეტდომენური სახელით სარგებლობის უფლების გადაცემისათვის განსაზღვრული წლიური საფასური წინამდებარე ხელშეკრულების მოქმედების ვადის ამოწურვამდე.
- 3.3. „მიმწოდებელთან“ ანგარიშსწორება ხორციელდება უნაღდო ანგარიშწორებით ეროვნულ ვალუტაში.
- 3.4. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი საგადასახადო ანგარიშ-ფაქტურა და/ან სასაქონლო ზედნადები.
- 3.5. „მიმწოდებელთან“ ანგარიშსწორება ხორციელდება ფაქტიურად მოწოდებული საქონლის (მომსახურებით) ღირებულების შესაბამისად სათანადო დოკუმენტაციის წარმოდგენიდან 10 (ათი) სამუშაო დღის ვადაში.

მუხლი 4. მხარეთა უფლებამოსილებები

- 4.1. რეგისტრანტს უფლება აქვს:
 - მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების შესრულება.
- 4.2. რეგისტრანტი ვალდებულია:
 - ა) გაეცნოს და შეასრულოს GE დომენის რეგისტრაციისა და სარგებლობის წესები და პირობები (www.domain.greana.ge);
 - ბ) ყოველწლიურად, დროულად მოახდინოს მომსახურების ღირებულების გადახდა;

გ) მიაწოდოს ადმინისტრატორს სარეგისტრაციო მონაცემების განსახლებლად აუცილებელი ინფორმაცია (www.domain.greina.ge);

დ) არ დაუშვას მისთვის დროებით სარგებლობაში გადაცემული ინტერნეტდომენური სახელით დარეგისტრირებულ ინტერნეტგვერდზე დაუშვებელი პროდუქციის განთავსება;

ე) არ დაუშვას მის მიერ ვებგვერდზე (www.domain.greina.ge) რეგისტრაციის დროს მითითებული სახელისა და პაროლის გადაცემა მესამე პირებზე;

ვ) წინამდებარე ხელშეკრულება გააფორმოს მხოლოდ საკუთარი საქმიანობისათვის და არ იმოქმედოს სხვა (მესამე) პირ(ებ)ის დავალებით ან სასარგებლოდ;

4.3. ადმინისტრატორს უფლება აქვს: მოსთხოვოს რეგისტრანტს წინამდებარე ხელშეკრულებითა და GE დომენის რეგისტრაციისა და სარგებლობის წესები და პირობები ნაკისრი ვალდებულებების შესრულება.

4.4. ადმინისტრატორი ვალდებულია:

ა) გაუწიოს რეგისტრანტს კონსულტაცია დომენური სახელის რეგისტრაციის პროცედურის შესახებ;

ბ) მიიღოს გადაწყვეტილება დომენური სახელის რეგისტრაციისა ან რეგისტრაციის ვადის გაგრძელების შესახებ GE დომენის რეგისტრაციისა და სარგებლობის წესებისა და პირობების დაცვით (www.domain.greina.ge);

გ) უზრუნველყოს რეგისტრანტის მიერ მოწოდებული სარეგისტრაციო მონაცემებისა და ინფორმაციის დროული განახლება.


მუხლი 5. მხარეთა ურთიერთვალდებულებები და პასუხისმგებლობა

5.1. ადმინისტრატორი არ არის პასუხისმგებელი მესამე პირის მიერ რეგისტრანტის სარეგისტრაციო მონაცემების (ვებ-გვერდზე (www.domain.greina.ge) ნებისმიერი სახით გამოყენებაზე. რეგისტრანტისათვის ცნობილია, რომ ვებგვერდზე www.domain.greina.ge შექმნილი პროფილიდან შევსებული განაცხადი, ან ნებისმიერი ხასიათის სხვა მოთხოვნა მხარეებისათვის წარმოადგენს სამართლებრივ დოკუმენტს, რის საფუძველზეც მხარეთა შორის წარმოიშობა მოთხოვნის შესაბამისი ვალდებულებები.

5.2. წინამდებარე ხელშეკრულების საფუძველზე ან მასთან დაკავშირებით მხარეთა მიერ ერთმანეთისათვის გაგზავნილი ნებისმიერი ხასიათის შეტყობინება ან მოთხოვნა მიწოდებულად უნდა ჩაითვალოს შეტყობინების ან მოთხოვნის რეგისტრანტის მიერ ვებგვერდზე საკუთარ პროფილში მითითებულ საკონტაქტო რეკვიზიტებზე; მობილურის ნომერზე ტექსტური შეტყობინების, ფაქსის ან ელფოსტის საშუალებით გაგზავნის შემთხვევაში გაგზავნის დროს, ხოლო ფოსტის საშუალებით გაგზავნის შემთხვევაში ფოსტაში განთავსებიდან მე-5 დღეს.

5.3. ხელშეკრულების შესრულების კონტროლზე და ხელშეკრულებით გათვალისწინებული მიღება ჩაბარების აქტების გაფორმებაზე დამკვეთის მხრიდან უფლებამოსილი პირები არიან სააგენტოს ადმინისტრაციის სამსახურის მთავარი სპეციალისტები ირაკლი ჯიბუტი ან ნიკოლოზ ყიფიანი.

5.4. ვადასტურებ, რომ ჩემი მონაწილეობა სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ სახელმწიფო შესყიდვის შესახებ N32070101/01/86 ხელშეკრულების ინსპექტირებასთან დაკავშირებულ საქმიანობაში არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შპს „გრენა“-ს მიმართ არ ვიმყოფები ინტერესთა კონფლიქტში.



მუხლი 6. ხელშეკრულების მოქმედების შეწყვეტის საფუძველები

6.1. ხელშეკრულების შეწყვეტის საფუძველია:

6.1.1. მხარეთა შეთანხმება;

6.1.2. წინამდებარე ხელშეკრულების 2.1. მუხლით დაწესებული ვადის გასვლა.

6.1.3. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების ან მისი სხვა დებულებების ბათილობას. ამ შემთხვევაში მხარეები შეეცდებიან მოქმედ კანონმდებლობასთან შეუსაბამო ან ბათილი დებულება შეცვალონ ისეთი დებულებით, რომელიც ყველაზე უკეთ ასახავს კანონმდებლობასთან შეუსაბამო ან ბათილი დებულების არსს.

6.2.1. GE დომენის რეგისტრაციისა და სარგებლობის წესებისა და პირობების 1.11 პუნქტით გათვალისწინებული რომელიმე პირობის დადგომა.

მუხლი 7. მარეგულირებელი კანონმდებლობა და დავების გადაწყვეტა

7.1. წინამდებარე ხელშეკრულებით და მისი დანართებით გათვალისწინებული ყველა საკითხი, მხარეთა შეთანხმებით მოწესრიგდება საქართველოს მოქმედი კანონმდებლობის შესაბამისად.

7.2. მხარეთა შორის ყველა დავა გადაწყდება ურთიერთმოლაპარაკების გზით. მხარეთა მიერ ოცდაათი (30) კალენდარული დღის განმავლობაში შეთანხმების მიუღწევლობის შემთხვევაში, დამკვეთს შეუძლია ერთჯერადად მიმართოს შპს "grene.ge" დავების განმხილველ სამსახურს, რომელიც, არის მისი შიდა ფუნქციური ორგანო.

7.3. ნებისმიერ დავა, წარმოშობილი წინამდებარე ხელშეკრულებიდან ან მასთან დაკავშირებით არსებული ნებისმიერი შეთანხმებიდან, მათ შორის ნებისმიერი საკითხი ხელშეკრულებიდან ანდა შეთანხმების არსებობის, ნამდვილობისა და შეწყვეტის შესახებ განხილვისა და საბოლოო გადაწყვეტილების მიღების მიზნით უნდა გადაეცეს სასამართლოს საქართველოში მოქმედი კანონმდებლობის შესაბამისად.

მუხლი 8. ფორს მაჟორი

8.1. მხარეები თავისუფლდებიან პასუხისმგებლობისაგან აღნიშნული ხელშეკრულებით გათვალისწინებული ვალდებულებების ნაწილობრივ ან მთლიანად შეუსრულებაზე, თუ ეს გამოწვეულია გაფიცვების, ომის, წყალდიდობის, ხანძრის და სხვა სტიქიური მოვლენების შედეგად.

მუხლი 9. ხელშეკრულების სხვა პირობები

9.1. ხელშეკრულება შედგენილია ქართულ ენაზე 2 (ორ) ეგზემპლარად და ინახება მხარეებთან. თითოეულ მხარეს მიეცემა ხელშეკრულების თითო ეგზემპლარი.

9.2. წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას.

9.3. ხელშეკრულების მუხლებს წანამდგრებული აქვს სათაურები ხელშეკრულების ტექსტით სარგებლობის გასაადვილებლად და ეს სათაურები არ მიიჩნევა ამ ხელშეკრულების რომელიმე დებულების განმსაზღვრელად, შემცვლელად ან განმმარტებლად.

9.4. ხელშეკრულება არ შეიცავს რაიმე დამატებით სიტყვიერ შეთანხმებას.

9.5. ხელშეკრულებას თან ერთვის GE დომენის რეგისტრაციისა და სარგებლობის წესებისა და პირობები, რომელიც ძალაშია ხელშეკრულებასთან ერთად და წარმოადგენს მის განუყოფელ ნაწილს.

9.6. ხელშეკრულებას შეიძლება თან ერთვოდეს დოკუმენტები, რომელიც დაკავშირებულია მასთან და ასევე წარმოადგენს მის განუყოფელ ნაწილს (რეგისტრანტის მიერ ვებგვერდზე www.domain.grenea.ge შევსებული ელ. განაცხადი დომენური სახელის რეგისტრაციაზე). ყოველივე ზემოაღნიშნულის დასადასტურებლად, მხარეებმა საკუთარი უფლებამოსილი წარმომადგენლების საშუალებით ზემოთმითითებულ დღესა და წელს გააფორმეს წინამდებარე ხელშეკრულება.

მხარეთა რეკვიზიტები და ხელმოწერები



ადმინისტრატორი:

შპს „გრენა“
საიდენტიფიკაციო კოდი: 204913654
მისამართი: ქ. თბილისი, უნივერსიტეტის ქ. N3
ტელეფონი: 2250590
საბანკო რეკვიზიტები: სს თბილისი ბანკი
ა/აGE76TB7164636080100002, ბანკის კოდი:
TBCBGE22

რეგისტრანტი:

სს.ს.ი.პ. „საგანმანათლებლო და სამეცნიერ
ინფრასტრუქტურის განვითარების სააგენტო
მისამართი: ქ. თბილისი, ალექსიძის N1, შენობა-ნაგებობა
N1, მე-2 სართული, ს/კ 202294980; სახელმწიფო ხაზინ
ა/ა 200122900, კოდი: 220101229

რამაზ ქვათაძე
ადმინისტრატორი



დირექტორი
ზვიად როსტომაშვილი

